



# झजलया वाह्यो

JWOJALAPA WEEKLY

दैं ७ ल्या: २६ (पूर्णडक १२८) ने. सं. ११३७ सिल्लाथव नवमि आइतवा: २०७३ माघ २३ गते आइतवार (Feb- 05, 2017)

मू द १- पृष्ठ ६

## येंया सतुंगलय् व यलया जलय् डोजर आतंक बाहिरी चक्रपथ बिरुद्ध जय 'किपूया न्यायप्रेमि जनता'या नामं किपुली पर्चा ह्वल

### श्रीकृष्ण महर्जन

शनिवा: सार्वजनिक दिनय् हे लाका यें जिल्लाया नेवा: वस्ती सतुंग: गर्जुधारा लागाय् डोजर आतंक जुल । सर्वोच्च अदालत अन्तरिम आदेस बियात:गु दुसां नं सार्वजनिक विदाया दिनय् लाका अदालतया आदेशयात तकं उल्लंघन याना डोजर ज्वना जनताया छें थुनेगु ज्या या:गु धइगु बास्तवय् आतंक हे या:गु ख: धका: थक्का:या आन्दोलनया नेतृत्व यानादीमह शान्तप्रकाश श्रेष्ठं धयादीगु दु ।

न्हिनय् आकाभाकां डोजर ज्वना सलंस:मह प्रहरी सहित व:गु अले इमिसं स्थानीय अशोककाजि शाक्ययात दायेगु नापं ज्वनेगु या:गु ख: । प्रहरी भ्यानय् तथा तकं शाक्ययात दायेफक्क दाल धका: श्रेष्ठं धयादिल । प्रहरी शाक्ययात दायेगु ज्या जक या:गु मखुकि ककुतिइगु ज्या तकं या:गु ख: धका: धयादिल । प्रहरी दाया घा:पा: जूमह शाक्यं नं थ:त प्रहरीतयसं भ्यानय् दुने तथा ककुतिया छगू कथं स्यायेथें हे यात धका: धयादीगु दु । अथे हे थ: अबुयात छाया दायगु अले छाया ज्वनागु धका: न्यवंमह शाक्यया



काय अनुज शाक्ययात तकं प्रहरी दायेगु ज्या या:गु ख: । उगु घटनालिपा सलंस:मह स्थानीयवासी प्रदर्शन या:गु ख: । लिपा प्रहरी व डोजर लित यंकूगु ख:सा गिरफ्तार जूमह शाक्ययात नं त्व:ताह:गु ख: ।

थ्व हे दथुइ सडक विस्तार यायेगु नामय् वंगु शुक्रवार आकाभाकां यलया नेवा: वस्ती जलय् डोजरं जितगोविन्द

महर्जनया स्वतत्या: जा:गु छेंय् थुवल । न्हिनसिया भिन्छता त्या: ११:३० इलय् डोजरं छेंय् ठक्कर नकूबले जितगोविन्दया ८९ दँया अबु नारायण गोपाल महर्जन व ८८ दँया मां पुनमाया महर्जन छकू हे कोथाय् च्वनाच्वंगु ख: । डोजरं प्रहरी चौकी लिक्क ला:गु छेंय् थुनेगु यायेवं अक्सिजन कयाच्वनेमा:मह पुनमाया भुखाय् ब्वल

धका: क:सि वन । नारायण महर्जन बँय् दल । नारायण गोपाल उखेथुखे जुइमफुमह जुया कोथाय् हे च्वनाच्वनीमह ख: । अथे डोजरं छेंय् थक्कर नकेवं जितगोविन्दया कला: सुजना महर्जन भुखाय् ब्वल धाधां पिने पिब्बां:गु ख: । पिनेव:बलय् थ:गु छें डोजरं स्यंका:च्वंगु खँबलय् न्वंवाय् मफुत । जलय् जीतगोविन्द महर्जनया छेंजक

मखु मेपिं न्यामहेसिया छेंय् समेत अथे स्यंकेगु या:गु ख: । आकाभाकां छेंय् थुनेगु यायेवं स्थानीय युवातसें विरोध या:गु ख: । सलंस: प्रहरीनाप वया डोजर चलय् या:गुया विरोधय् प्रदर्शन समेत जूगु ख: । विना सुचना, छें मनु दयक दयक डोजर चलय् या:गुलिं अनया मनुत आतंकित जूगु दु । स्थानीयवासीतसें छगौ त्या: लँ वन्द याना विरोध या:गु ख: । स्थानीयतयगु यक्व विरोध जुइवं डोजर लिहाँवंगु ख: । आन्दोलनकारीतसें मुआब्जा बिइमा:गु, क्षतिपूर्ति बिइमा:गु माग याना वयाच्वंगु दु ।

अनं लिपा जलया स्थानीयवासीतयगु शनिवा: हे मुँज्या च्वना आइतवा: जिल्ला प्रशासन ज्याकू घेराउ यायेगु नापंया संघर्षया ज्याभ्व: तयार या:गु दु । आ: मदिक्क आन्दोलन न्ह्याकेगु जुइ धका: आन्दोलनया नेतृत्व याना वयाच्वनादीमह चैन गोपाल महर्जन जानकारी बियादीगु दु । (सतुंग: व जलया घटनायात कया सम्बन्धित घा:पा: जूपिनिगु किपा: नापं पूर्वक समाचार ३ पेजय् स्वयादिसँ )

## आजु भेहिकल सर्भिस प्रा. लि. को सुचना

कुनै पनि गाडी रिजर्भ गर्न वा भाडामा चाहिएमा हामीलाई सम्पर्क राख्नुहोला ।  
यहि आउँदो माघ २८ र २९ गते कालिन्चोक भगवती तथा दोलखा भिमसेन दर्शन गर्न चाहनुहुने महानुभावहरुले यहि माघ २६ गते सम्म टिकट बुकिङ गरि आफ्नो सीट सुरक्षित गर्नुहोला ।  
टिकट दर रु १७०० ।- (दुई दिन एक रात)

### आवश्यकता

हलुका सवारी चालक

संख्या: २

तलब: आपसी समझदारीमा



आजु भेहिकल सर्भिस प्रा. लि.

नयाँबजार लोकतान्त्रिक चोक, कीर्तिपुर

९८६१९३५९०९, ९८४१४९८९९५



# ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाक्

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : jwojalapawebkly@gmail.com

## सम्पादकिय

## सर्वोच्चया आदेश व सतक विस्तार

सर्वोच्च अदालतया अन्तरिम आदेश दुगु थाय् येंया सतुंगलय् उपत्यका विकास निर्माण प्राधिकरणया योजना कथं प्रहरी परिचालन याना डोजरं छें थुनेगु ज्या या:गु नापं स्थानीयवासीयात ज्वना दायेगु ज्या या:गु अथे हे यल जिल्ला दुने ला:गु नेवा: वस्ती जल अर्थात हरिसिद्धि बुरा बुरीपिं च्वनाच्वंगु छेंय हे डोजर बना थुनेगु कुत: या:गु इलय् भुखाय् ब्वल धका: ग्याना जुइमा:गु अवस्था गुगु कथं ब्वलन उगु घटनायात कया प्यखेरं विरोध यानाह:गु दु । विशेष याना संचार माध्यमपाखें मव:गु जूसां नं सामाजिक संजालय् धा:सा जनतां थ:पिनिगु मत तथा अज्व:गु घटनायात कया विरोध यानाच्वंगु दु ।

सर्वोच्च अदालतया आदेश दयेक दयेकं छें थुनेगु ज्या यायेगु अले मनूत च्वनाच्वंगु छेंय विना सुचना डोजरं थुनेगु कुत: या:गु धइगु मानवअधिकारया ल्याखं नं तसकं हे भर्त्सना याये बह:गु घटना ख: । थुगु घटनायात कया स्थानीयवासी आन्दोलित जुया गुगु कथं प्रदर्शन यात थ्व छगू कथं स्थानीयवासीया एकताया नमुना ख: ।

राज्य मदुगु देय् थें जुइक न्ह्यलाथे ज्या यायेगु, जनताया जिउ धनया सुरक्षा मयायेगु अले जनतायात हे दु:ख बिइगु नाप नापं जनताया छें थुनेगु, जनताया जग्गा मुआब्जा मबिउसे कायेगु कथं गुगु कथं कुत: जुयाच्वन थ्व वास्तवय् याये हे मजिउगु ज्या ख: धका: न्ह्याम्हेस्यां नं धायेमा:गु ई व:गु दु । थौं मेपिनिगु छें लानाच्वन धका: थ:पिं सुक च्वन धा:सा कन्हय् थ:गु छें नं लायेफु धका: थुइकेमा: । उकिं थुगु सवालयात कया सकल सचेत नागरिकत नापं राजनीतिक पार्टीया नेता व कार्यकर्तातय्सं नं थ:थ:गु थासं भूमिका म्हितेमा:गु नापं जनताया जायज मागयात सम्बोधन याकेगु नितिं कुत: यायेमा:गु अवस्था दु ।

## गजल शौरभ शाक्यया

### गजल-१८



जित:छं छयं क्वछुना स्व:, छयं ल्हवना स्व:  
छं न्ह्याथेयाना स्व:, जिगु नुगलय् च्वना स्व: ।  
राग, द्वैष, मोह माया छं मखु मात्र म्हागस ख:  
धातयेंगु मतिना छं, थ्व मदयेका प्वना स्व: ।  
थ:मां,थ:गु देश, भीत य:थ:गु ज्यानयें  
प्रथ्वी दुनेया फुक्कं देश, त:केहेंथें ह्वना स्व: ।  
य:त्य धैगु माया,मतिना नील:गु म्हासिका ख:  
मतिना निलात:गु खिप ख:, हिना छक क्यना स्व: ।  
जीवन छगू आसया प्व:ख:, मतापं छं प्यना स्व:  
दु:खी गरिबया पं लिना , मतिनाया ध्वाँय ज्वना स्व: ।

## भीगु भव्य व तना:वने त्यंगु क्वा:

### रबिन श्रेष्ठ

नेपालभाषा एम.ए. न्हापांगु दैं  
भी थ्व नेपालमण्डलया नेवा:तय् थी थी थासय् थी थी कथंया जात्रा, धर्म, संस्कृति तजिलजि त यक्व हे दु । वहे थी थी कथंया जात्रा, धर्म, संस्कृति व तजिलजि नापं स्वाना वयाच्वंगु छगू खँ ख: “भव्य” । भी नेवा:तय् न्ह्यागु या:सां न्ह्यागु जूसां भव्य नय्मा:गु चलन दु, गथे कि नख: चख:, जात्रा, झ:या पुजा, इहिपा, कयतपु याइबले बरे छुइबले, मचायात जा नके बले, ज्याजंक्व याइबले, गुथिया पाँहा ब्वनिबले भव्य याय्गु चलन दु ।

भीगु भव्य नयेगु परम्पराय् वैज्ञानिकता दु धयागु खँ भीसं जक धयाच्वनागु मखु थौं विदेशी वैज्ञानिकतय्सं तक नं प्रमाणित याना तय् धुंकुगु दु । थ्व भीगु भोजं भीगु उसाँय्यात मा:गु कथंया फुक्क तत्व त पूर्वनिगु धापू दु । भव्य धाय्बले जाभव्य, मरिभव्य, वजिभव्य आदियात कायेफु ।

**जाभव्य :-** जाभव्य धाय्बले भीसं सुथय् बहनी नया वयाच्वनागु भोजन ख: । थुकी जा, कै, तरकारी, अचार वा छतानिता तरकारी व अचार नं अप्व:तया सुथय् बहनी ज्यना: ब्यालि याइ थुकियात नं भोजन अर्थात भव्य हे धाइगु याइ ।

**मरिभव्य :-** लाक्वा: अर्थात लाया घासात मतसें मेमेगु घासा व थी थी कथंया मरि तथा नय्गु भव्य यात हे मरि भव्य धाई । थ्व मरिभव्य विशेष याना पुजा याइबले, सत्यनारायण झ:या धलं दनेबले, मनूसीगुया भिंस्वन्हुया पाहां ब्वनिबले, लत्याया पाहां ब्वना भव्य याइबले व लामन:पिं मनूतयसं भव्य याइबले नं मरिभव्य हे याय्गु याइ ।

**वजिभव्य :-** ब्याहा, कयतापुजा, ज्याथ जंक्व याइबले, वाच्नाबले, मनू सीबले लोचा, घ:सु, लत्या खुला, दकिला आदि भव्य वजि भव्य जुइ । भव्यक्वा: सकसियां उथेंमजु, गुभाजु, वरेजु, उराय व ज्यापुपिनि करिव करिव ज्व:ला: व:सां स्यस्य तय् भचा पा:गु खनेदु । थ्व भव्यगु गुभाजु, वरेजु, उराय व ज्यापु तय् दकलें न्हापांया घासा वाउँचा तय्हइसा स्यस्यतय् धा:सा दकले न्हापां दायका ला तय्गु चलन दु । उकें थ:थ:गु जात चलन रितिथिति अनुसार भव्य या घासा (क्वा:) त पा:सां फुक्कसिनं थ:थ:गु चलन अनुसार भव्य न्याय्का वयाच्वंगु दु । भव्यज

यक्व बुव: त दइगु जूसां थन भीथाय् चलेमयासैं लोप जुया वनेत्यंगु निताप्यता क्वा: त थन न्ह्यव्वयागु दु ।

**त:खा :-** थ्व त:खा: धयागु छगु किसिमं लाक्वा: ख: । न्हापा थ्व स्वनिग: या नेवा:तय् न्ह्यागु तत:धंगु भव्य, गुथि या:सां त:खा: मदय्क मगा:गु क्वा: ख: तर थौकन्हय् गुम्हं गुम्हसिनं जक त:खा: खुनेगु याना च्वंगु दुनिसा अप्व:सिनं त:खा: मखुने धुंक्ल । त:खा खुनेत तावेत ई विया पाख वंक दाय्के मा:गु जुगुलिं सिं वा ग्यास अप्व: मा:गुलिं त:खा: खुनेगु ज्या त्व:ता: वयाच्वंगु दु । पाख वंक ला दाय्के धुंका: भ्यगतय् तया ख्वाउँगु थासय् चच्छि तक तया बलकि त:खा: तयार जुइ । तर आ: थौकन्हय् त:खा:या पलेसा दाय्का ला जक तया हयाच्वंगु दु । न्हापा थ्व क्वा: फुक्क नेवा:तय्सं भव्यज तया वयाच्वंगु ख: ।

**गोर्मा :-** गोर्मा धयागु नं ला यागु हे क्वा: ख: । थ्व गोर्मा धयागु खँग्व: गनं वल धका: विचा: यायेबलय् थ्व ल्हासाया सँय् खँग्व: पाखें व:गु खनेदु । छाथ्धा:सा गोर्मा दय्के वलय् कुटि गोर्मा दय्केगु धका: धायेगु चलन दु । थ्व कुटि धाय्बले न्हापा न्हापा भी नेवा:त ल्हासाया कुटि बना: वनेज्या याइगु जुगुलिं ल्हासा नेवा:तय्सं थ्व गोर्मायात नं भीथाय् ह:गु जुइफु । थथेजुया भीथाय् तत:धंगु भव्यज थुगु गोर्मातया भव्य नकेगु चलन या:गु जुइमा ।

गोर्मा खुनेबलय् पुलांगु लायागु खुनी । क्वैं नं पुलांगु हे तया उकी ल्हासाया कुटिफैया दा:प्व: तया दाय्केमा: । थ्व त:खा: दाय्के थें दायेका जाकि चुं तया दायेकी । थुकी हलू तय्मज्यू । मसला नं त:खा: लाय् थें तया पाख वंकक दायेका भ्यगतय् तया ख्वय्का: कन्हय् खुनु नय्गु चलन दु । थ्व क्वा: गुभाजु, वरे व उराय् स्वखल: सिया जक छयली ।

**भुयु हाम्व: क्वा: :-** थ्व हाम्व: क्वा: नं भव्यज मतय् धुंक्ल । थ्व क्वा: विशेषयाना गुभाजु, वरे व उराय तय् पस्ताभोजय् तया वयाच्वंगु ख: । खासयाना हाम्व: स्वताजि दइ, तुयुगु, सियुगु अथवा भुयुगु व हाकुगु थ्व क्वा: दय्केगु लागिं सियुगु हाम्व: छयलि । थ्व क्वा: दय्केबले छन्दु न्ह्य: हाम्व: लखय् पवया कन्हय्खुनु चिकं क्वय्का हाम्व: सिला: ह्वाना छवइ । लाभा, जी, पालु, आदि मसला त तया दय्किगु थ्व क्वा: तसकं हे स्वादिस्ट जुइसा भीगु उसाँय् यात नं भियाइ ।

**छ्याल्ला क्वा: :-** थ्व छ्याल्ला क्वा: नं खास याना गुभाजु, वरे, उदाय तय् ततधंगु भव्यज तया वयाच्वंगु खनेदु । छ्याल्ला दय्केबले सिंके, स:पू ला, क: व थी थी मसलात तया दाय्कलकिं तसकं स्वाद वइ । थ्व सिंके भीगु म्हाया क्वैं बल्लाकिगु क्याल्सियम नापं भिटामीन ‘बी’ नं दु धइगु थौकन्हय्या वैज्ञानिकतय्गु धापू दु ।

खास याना थ्व सिंके गथे याना जन्म जुल ? गुबले जुल धइगु वंशावलीया आधार य् थन छत्वा:चा खँ न्ह्यव्वय् बह जुइ थें च्वं ।

कलिगत सम्बत ४२५० सं यलय् र ाम सिंह देव जुजुया पालय् पात्पा देया जुजु मुकुन्दसेनं ह:ता या:बले यलया जुजु व प्रजात फुक्क ग्याना सुलाच्वन । उगु इलय् सकल प्रजापिनि वा लया थथ:गु वुँइ तयात:गु जुयाच्वन । थ्व खना: मुकुन्दसेनं थ्व वा लैं तरकारी फुक्क चाया त:लय् ल्हाका व्यु धका: थ: सिपाहितयत् उजं बिल अले सिपाहितयत् नं अथेहे यात । थथे यात कि प्रजापिनि नय्मखना थुपिं फुक्क कायल जुइ धइगु जुजुया विचा: । श्री आर्यबलोकितेश्वरया प्रतापं ल्वा:वपिं मुकुन्द सेनया फौजत लिहां वने धुंका: यलया प्रजागणपिं सकसिनं थ:थ:गु वुँइ बना वा, लैं गन छवत धका: मालास्व:बले चाया त:लय् ल्हाका त:गु खँका: लिक्का स्व:बले वा फुक्क हाक्कुसे च्वना हाकुवा जुयाच्वन सा लैं दक्क पाउँसे च्वना छगू अजू चायापुगु स्वाद वयाच्वन । थ्व हाकुवा व लैं गथेच्वं ख: नया स्वयमाल धका: वायात कुतिवाना स्व:बलय् जाकि छग: हे त्वा: मद:गु खना अजूचाल, जाथुया न:बलय् तसकं सा:गु खना लैयात नं छु याना न:सा ज्यू धका: थी थी कथं नया स्व:बले तसकं सा:गु खना यलय्च्वपिं तसकं लयताया थ्व गा:मा:चातयसं ला भीत न्हूगु ज्या धका स्यना थकल थुमित ला गुरु हे याय्मा धका: दंग जुल । आ: भीसं हाकु वा व लैं ख्वाख:यात छु धाय्गु धका: न्ह्यस:त:बले यलया बुरा पाकातय्सं सिपाहितयत्सं च्वातु च्वाना गालय् क्वचय् याना त:गुलिं सिंके धाय्मालि धका: नां छुत, हाकुसे च्वंगु वा जुगुलिं हाकु जाकि धाल । थ्वहे सिंके क: स:पू ला तया दय्किगु यात हे छ्याल्ला क्वा: धया वयाच्वंगु दु तर थौकन्हय् थ्व छ्याल्ला क्वा: नं म्त्व हे तय्गु याना हय् धुंक्ल । च्वय् न्ह्यव्वया त:गु क्वा: तला लोप जुया वने त्यंगु जूसां भीगु भोजय् थुपिं क्वा:त वाहेकं मेमेगु क्वा:त नं तय्गु याइ गथे —छों क्वा:, —फसिक्वा:, —मीक्वा:, —पाउँक्वा: —व बुव:



ज्येष्ठ नागरिक सेवा केन्द्र पाँगां ज्येष्ठ नागरिकपिन्त दिवा सेवा वियाच्वंगु फिला दत । थ्व फिलाया दुने यक्वसिया आस्था व श्रद्धाया केन्द्र जूगु दु । गुलिं थ:गु जन्मनिहं, इहिपा भव्यया लसता ज्येष्ठ नागरिकपिनि नाप हनेत वइगु याना ह:गु दु । थ्वहे भवलय् म्हाग: शनिवार उज्ज्वल स्कूलया प्रिन्सिपल दिलमान महर्जनं थ: तिरिमयजु सारि का महर्जननाप इहिपा जूगु भिंखुदं दुगु लसता पाँगाया ज्येष्ठ नागरिकपिनिनाप प्वंकेगु ज्या यानादिल । सकसित नं भोजन नं दान यानादिल ।



# यँया सतुंगलय् व यलया जलय् डोजर आतंक..... बाहिरी चक्रपथ बिरुद्ध जय 'किपूया न्यायप्रेमि जनता'या नामं किपुली पर्चा ह्वल.....



यलया जलय् शुक्रवाः छैँ थुंवाःगु इलय् स्वतजाःगु छैँय् चव्नाचर्चपिं ८९ दँया अबु नारायण गोपाल महर्जन व ८८ दँया मां पुनमाया महर्जन छक्कू हे कोथाय्

यँया सतुंगलय् प्रहरीं दाया घाःपाः जूम्ह ४१ दँया अशोक श्रेष्ठ व थः अबुयात छाया ज्वना दायागु धकाः धाःवनेवं ज्वना प्रहरीं दाया घाःपाः जूम्ह अनुप शाक्य

**कीर्तिपुरका न्यायप्रेमि जनताद्वारा थानकोट-चोभार लिंक सडक विस्तार गर्ने क्रममा जारी गरेको जन-विज्ञप्ति**

एउटा खाल्दी पुर्न नसक्ने लाछि सरकारले थानकोट-चोभार लिंक सडक विस्तार गर्ने भन्दै जग्गा दलाली, कमिसनका नाममा फाँटमारुवा विरुद्ध एकजुट होऔं । कुनै हालतमा पनि उक्त सडक विस्तार गर्ने दिइने छैन । यदि गरेको खण्डमा सम्पूर्ण बासिन्दासहित कीर्तिपुरका न्यायप्रेमी बासिन्दाहरु एकजुट भई त्यसको प्रतिरोधमा उत्रने छ । सम्पूर्ण घरघरमा हरिपारको व्यवस्था गरि बस्नु हुन हार्दिक आह्वान गर्दछौं । फाँटमारुवा विरुद्ध एकबद्धता जाहेर गर्दै । हाल कायम भएका सडकहरुको राम्ररी व्यवस्था नभईकन, खानेपानीको राम्रो सुविधा, यातायात, शान्तिनुरक्षा, स्वास्थ्य सुविधा नभईकन कुनै पनि हालतमा नयाँ सडक विस्तार गर्ने दिइने छैन । कुनै पनि व्यक्ति सडक विस्तारको क्रममा कीर्तिपुर नगर भित्र पसेको खण्डमा ठाउँ गोली हान्ने अधिकार कीर्तिपुरका न्यायप्रेमि जनताले दिइसकेको घोषणा गर्दछौं । निर्दोष होश्री सडक विस्तारको क्रममा जग्गा माफियाहरुको सहकार्यमा सागेर जग्गा चिनगोच नगरी । सडक विस्तार कुनै पनि हालतमा गर्न दिइने छैन । जग्गा माफिया व्यक्ति र सहकारी, फाँटमारुवाहरु, दलाली र भ्रष्टाचारी नेपाली सरकारी तन्त्र होमियार ।

जय कीर्तिपुरका न्यायप्रेमि जनता ।

## बाहिरी चक्रपथ बिरुद्ध किपुली पर्चा ह्वल

ध्वहे अवस्थाय् किपुली “जय कीर्तिपुरका न्यायप्रेमी जनता”या नामं छगू पर्चा छयास्स छयास्ती ह्वलातःगु दु । “कीर्तिपुरका न्यायप्रेमी जनताद्वारा थानकोट-चोभार लिंक सडक विस्तार गर्ने क्रममा जारी गरेको जन-विज्ञप्ति” छयों तया तःगु दु ।

उगु पर्चाय् छगू गाः ल्हाके मफुम्ह लाछि सरकारं थानकोट-चोभाः लिंक सतक विस्तार यायेगु धासैं जग्गा दलाली, कमिसनया नामय् फाँटमारुवा विरुद्ध छधी छप्पं जुइनु धकाः न्ह्यथनातःगु दु ।

अथेहे, उगु पर्चाय् छुं नं हालतय् उगु सतक विस्तार याके मवीगु खं न्ह्यथंसैं यदि सतक विस्तार याःगु खण्डय् सकल सोभासाभा किपूया न्यायप्रेमी बासिन्दापिं छधी छप्पं जुयाः उकिया प्रतिकारय् क्वाहां वयेगु खं नं च्यातःगु दु । सकलसिगु छैँय् छैँय् ल्वाभःया व्यवस्था यानाच्चं धकाः आह्वान यानातःगु

उगु पर्चाय् फाँटमारुवा विरुद्ध ऐक्यबद्धता जाहेर यायेनु धकाः नं इनाप यानातःगु दु । अथेहे, हाल कायम जूगु सतकतय्गु बांलाक व्यवस्था मयाःसे, खानेपानीया बांलाक सुविधा, यातायात, शान्ति सुरक्षा, स्वास्थ्य सुविधा मव्यूतले छुं नं हालतय् न्हगु सतक विस्तार याके मवीगु खं च्यातःगु उगु पर्चाय् सुं नं मनू सतक विस्तारया भवलय् किपू नगर दुने दुहां वःगु खण्डय् तप्यंक गोली ब्ययेकेगु अधिकार किपूया न्यायप्रेमी जनतां बिइधुंकूगु घोषणा याये धकाः न्ह्यथनातःगु दु ।

अथेहे, पर्चाय् निर्धक्क जुइनु, सतक विस्तारया भवलय् जग्गा माफियापिनिगु बहकावय् जुयाः जग्गा न्याये-मीगु ज्या मयाये धकाः नं धयातःगु दुसा सतक विस्तार छुं नं हालतय् याके मवीगु व जग्गा माफिया व्यक्ति व सहकारी, फाँटमारुवापिं, दलाली व भ्रष्टाचारी नेपाली सरकारी तन्त्र होसियार धकाः नं न्ह्यथनातःगु दु ।

## नजरराम महर्जनया “जिन्दगीका छालहरु” विमोचन

ज्वजलपा वाःपौ/  
नेपालभाषाया नांजाःम्ह उपन्यासकार नजरराम महर्जन आः खयभासं नं “जिन्दगीका छालहरु” उपन्यास च्यायाः ल्हाः न्ह्याका दीगु दु ।

वंगु बुधवाः श्रीपञ्चमी खुन्हु पिकाकः गौरी पब्लिक रिलेशन एन पब्लिकेशन संस्थां मेपिं नीप्यम्ह च्वमिपनिगु सफू नापं महर्जनया उपन्यासया नं उलेज्या यानादीगु खः ।

नेपाल ल क्याम्पसया हलय् जूगु उगु ज्याभवःया सभानायो गौरी पब्लिकेशनया अध्यक्ष दामोदर ढकाल “दीपक” खःसा मूपाहाँ डा.घनश्याम परिश्रमी, व मेपिं पाहाँपिं आवाज शर्मा, नारायणी कौशिक, डा.माधव सापकोटा, हरि उदासी व बरिष्ठ उपन्यासकार मथुरा सायमिपिं भायादीगु खः ।

थीथी विद्याया निगू दर्जन मयाक सफू मंकाः उलेज्या यानादीगु खः । उगु ज्याभवलय्



टोखाया प्रशान्त डंगोलया “खटिका शिवपुरी” हाइकु व “कल्पना हराएको छ आज” गजल याना निगु सफू, डा. घनश्याम परिश्रमी या “पुष्पम् पत्रम्” मुक्तक मुना, रत्न प्रसाद अनामणी श्रेष्ठया “लाज हराएका मान्छेहरु” कविता संग्रह, दामोदर ढकाल “दीपक” या “मायाको चिनो” मुक्तक मुना व डा. माधव सापकोटाया “एक आवश्यक विद्रोह” महाकाव्य लगायतया थी थी विद्याया सफूत मंकाः कथं उलेज्या जूगु खः । छकलं थुलिमछि सफूया चिखीफेने ज्या जूगु ध्व गौरी पब्लिकेशनया तःधंगु सफलता खः धकाः मूपाहाँ डा. घनश्याम परिश्रमी धयादिल । नेपालभाषाया बरिष्ठ उपन्यासकार व

बाखंच्वमि मथुरा सायमिं, “नजरराम महर्जन नेपालभाषाया नांजाःम्ह उपन्यास खः । वय्कलं नेपालभाषाय् जक सिमित मजुसे खयभासं नं च्यादीगुली तसकं लय्ताः वल । ध्व वय्कःया प्रतिभाया परिचय खः ।” धयाःदिल ।

नेपालभाषाया उपन्यासकार “नजरराम महर्जन” धाइगु खःसा आः वय्कः नेपालभाषाया जक उपन्यासकार मखुसे नेपाली भाषया नं उपन्यासकारया रुपय् स्थापित जुइधुंकूगु दु । वय्कःया नेपालभाषाया प्यंगू उपन्यास नेपालीभाषां अनुवाद जुया पिदने धुंकूगु दु । १. ओइलिआको फूल, २. भावना ३. आस्था र जीवन ४. बाइरोडको ड्राइभर, वय्कःया उपन्यासयात गांगांमय् तसकं यःकूगु दु । हरेक सफूत प्यद्रः प्यद्रः चुइधुंकूगु दु । उकिं वय्कःयात यक्व यक्व सुभाय बियाच्चना ।” धयादिल । उगु ज्याभवलय् दथुइ दथुइ गजल मुक्तकत नं न्यकेगु याःगु खः ।



## श्रीपंचमि खुन्हु किपुली मंकाः इही व कयूतपुजा

ज्वजलपा वाःपौ

किपूया चिलंचव्य दँय दसँथें थुगुसी नं श्रीपञ्चमी खुन्हु मंकाः इही व कयूतपुजा ज्याभवः याःगु दु । वि.सं.२०४५ सालनिसें मदिक न्ह्याका वयाचंगु खः । जगतपाल महाविहार संरक्षण समितिया ग्वसालय जुयाचंगु उगु इही व कयूतपुजा ज्याभवलय कयूतपुजा याःपिं ११० म्ह व इहीयाःपिं ६२ म्ह मिसा मचात हःगु खः ।

कयूतपुजा यायेत द्रुछि तका व इही यायेत खुसः तका ग्वाहालि काःगु खः । उगु ज्याभवलय किपू, पांगा, नगां, यें, यल, खप, तोखा व फर्पिड तक्या मनूत थः मस्त ब्वना वःगु खः । कयूत पुजा व इहि यायेगु धइगु नेवाः समाजय मस्तयत समाजय म्वाना नयेत फयेकेगु नितिं संस्कार स्यनेगु अर्थात जीवनय प्रयोग जुइगु कथंया ज्या स्यनीगु खः ।


उकिं छँज्याय छयलीगु त्वहंमाय मसाला नीगु, कुति वायेगुनिसें मिजं मस्तयत वाणं कयेकेगु अले मिसामस्तयत हासा हायेगु तकं स्यनेगु याइ । नेवाः समाजय कयूतपुजा व इहि यायेगु छगू मौलिक संस्कृतिया रुपय नाला वयाचंगु दु ।



पांगाया विष्णुदेवी  
वालकुमारी जात्रा

**बजारय वये धुंकूगु दु  
थःगु प्रति सुरक्षित यानादिसँ**

स्वापू नितिं मेमेगु फोन नम्बरः ४३३४०१३,  
९८४१७५२५८३, ९८४६०४६१२३९



बखुमदः जात्रा  
न्हयगां जात्रा

**सुचं ! सुचं !! सुचं !!**

ज्यापु महागुथि किपू नगर समितिया ग्वसालय  
नेपालभाषा साहित्य गोष्ठी जुइत्यंगु दु ।

साहित्य गोष्ठी जुइगु दिं

वइगु सिल्लागा आमाई फागुन (१५ गते) आइतवाः

चवसू : चिनाखं, बाखं, चिबाखं, हाइकू, गजल,  
चवखं न्ह्यागु नं बिया दीफइ ।

चवसू बिइगु थायः

मिलन स्टूडियो अमल्लिस, (रामभक्त महर्जन)

बाघभैरव आयुर्बेदिक वासः पसः (कुलबहादुर)

तःगःवपि,

पांगा बुक्स एण्ड स्टेसनरी, धवाखासी पांगा

ग्वाहालिमि : पद्मिनी ज्वेलर्स, तःगःवपि, किपू

संयोजक : अर्जुन महर्जन 'नेपाःमि'

**निर्वाण कामना**



जन्मः

वि.सं.२००५



स्व.राधादेवी महर्जन प्रधान



निधन

वि.सं.२०७३/१०/१२

जिम्ह जहान/जिमि तताजु राधादेवी महर्जन प्रधान  
वंगु माघ १२ गते ६८ दँय मदुगु थौं भिनिन्हु (घःसू)या  
पुण्यतिथिसं मदुम्हेसिया सुखावति भुवनय बास लायेमा  
धकाः निर्वाण कामना यानाच्चना ।

जहान : नीलबाबु महर्जन

किजाभतपिं :

रामकृष्ण महर्जन

श्रीकृष्ण महर्जन

राधाकृष्ण महर्जन

श्याम महर्जन

मृत्यायपिं :

निर्मला महर्जन

लक्ष्मी महर्जन

चंचल महर्जन

काय/भौ :

नीलकण्ठ महर्जन/ पूर्णिमा महर्जनक

## साहित्य उपन्यास – जन्ति न्ह्यात

चवमि – मदन गोपाल प्रधान  
“क्वाःघासा”

१

“तुङ्गङ्गङ्ग”न्याःसलं श्रीया ध्यान साला काल ।

“छ घौ व नीन्यागु मिनटं भीपिं काठमाडौं थ्यनी । आः भीपिं स्वीस्वदः फिटया जालय् ब्या च्वना ।” धकाः प्लेनय् च्वंगु लाउड स्पिकरं थ्वःगु सलं श्रीया मिखा वयागु जःगु नाडीइ भ्याना तःगु घडी पाखे ब्येके विल । सुथसिया भिताः जुयाः भिंन्यागु मिनट वन । छ घौ व नीन्यागु मिनट तने बलय् भिंछताः व पीगु मिनटं त्रिभुवन अन्तर्राष्ट्रिय विमान स्थल, काठमाडौं थ्यनीगु जुल ।

किन्तु मांया ख्वाः स्वये आपुल जुइका च्वंम्ह श्रीया मन छकलं हे छें थ्यंकाः मांया तुती भवपुयाः आशिर्वाद कायेत हथाय् चायाच्वन । खुशिं बिभोर जुयाः लसतां ख्वि हायेका न्ह्यू ख्वालं आशिर्वाद बियाः च्वंम्ह थः मांया लू श्री न्ह्य लुइका च्वन । थःगु ल्हातय् जक दुगु जूसा उधिमय् विमान स्थलय् हवाईजहाज जुकाः मिखा तिसिइ मलावं ट्याक्सी च्वनाः छें दुब्बाये मास्तिव, वया । तर मन जक ब्यां छु याये ? म्हला वया काठमाण्डौ रिखे स्वयाः ब्या च्वंगु हवाईजहाजया दुने हे । छ घौ व नीन्यागु मिनट ल्यं दिन काठमाण्डौ थ्यनेत ।

गुलि गुलि लिक्क थ्यन उलि उलि हे मन हथाय् चाइगु प्रकृति नकिंया नियम हे जुया च्वन । श्रीया मन जक हथाय् मचाइगु नं छाये ? व नं ला थ्व हे प्रकृति नकिंया मुल्य लाः म्ह खः । वनं छम्हं मनू खः । वयागु मन नं छम्ह मनूयागु थें हे खः । ताःकाल तक थः मां, थःथिति, त्वाःबाःया दाजुकिजा तताकेहें अले पासापिं नाप बायाः विदेसय् वनाः ब्वने ज्या पूर्वकाः लिहां वया च्वंम्ह व श्रीया मन याकनं थःगु छें थ्यंकेत हथाय् चाइगु छु अजुगति चायेमाःगु खं मखु । थ्व छगू सहृदयया सदगुन खः । चा न्हि थें सत्य अले नित्य खः ।

अयबूगु मनं तुना थें याकनं छें थ्यंके मखुगुलिं ब्याकल अधैर्य जुयाः च्वंम्ह श्रीया ल्हाः अनायासं न्ह्यनेसं च्वंगु सिटया लिउने लाःगु

मिहचाय् बछि पिनय् खने दयेक स्वथनाः तःगु “नेपा” नांगु लय् पौलय् वन । पौ कयाः पुत्तुपुइका छकः स्वत । अले धलःपौ पाखे मिखा ब्येकल । च्वनिसें वय् थ्यंके छसीकथं स्वत । जःगु ल्हातं कयेच्यानाः खःगु म्हालापतिं व च्वलापतिं छयलाः लय्पौया पौत फरररं छकः पुइकल । देवः छकः तुंक स्वयाः थःगु मुन्यसंतुं तल । पलख त्वलय् जुयाः जवय्सं च्वंगु भ्यालं पिने मिखा ब्येकल ।

डम्फो डम्फो लूगु तुइसे खसुया फाँत । अले यानय् गनं गनं वंचुवंचु धाःगु सर्गः घुसुं न्ह्याना च्वन । गबलें खसु पाँय्या दथुइसा गबलें चतमतं मिक्क खसु पाँय्या पिने जुयाः निर्मल सरोवरय् जुजुं हे लुकु विइथें खसुइ लुकु व्यु व्यु न्ह्यानाः च्वन, व भराय्मिगु फय्खः । स्वः स्वः थाय् खसु सिवाय् मेगु छुं खने दुसा भाकभुकु खने दैगु बुलु बुलु वंचु वंचु धाःगु सर्गः हे जक खः । यःसा स्व, मयःसा स्वयेम्बाः । मेगु छुं दुगु मखु सिवाय् सुपाँय् व सर्गः । हवाईजहाज दुने स्वःसा वहे सिटत, वहे मनूत अले वहे चहः पहः । आयबूसु वयेकाः त्यानु पहलं म्ह छकः तिप्यंकाः तुति तस्वाकल । सिटय् लिधनाः मिखा तिसिना च्वन । साय्द त्रिकालया क्वाःघासा भावनारूपी बजिइ बुलाः माकुक्क न्ह्य न्ह्यं सवाः कया च्वंगु जुइ ।

वःचा धिकःबलय् हे बौ मदुसां मांया मतिनाय् ब्वलना नीप्यंगु कृष्णाष्टमी खने धुंकूम्ह श्री जीवनया थलाः ब्वलानाप पाचिचिउं न्ह्य ब्वाना च्वंगु । थौं विदेसय् वनाः ब्वनेगु व छम्ह सुयोग्य नागरिक जुइ सयेकेत वया मामं याःगु कुतःत वया न्ह्यनय् छगू छगू थें याना दँ बल । वःन्हिइ नयेनिइ यानाः भुतू ज्या सिधयेकाः न्ह्यः मवःतलय् थीथी पुलां बाखंत कनाः मचाबलय् न्ह्याइपुकाः ब्यूगु जक मखुसे ज्ञां नं थःमामं ब्यूगु खँत थौं हे थें च्वं वया मनय् । गबलें गबलें वया बौ लुमंकाः वया मांम्हं ताःहाकय्क भसुकाः तयाः श्रीयात मतिनां जाःगु मिखां स्वयाः च्वनिगु लू नं वया न्ह्यनय् खने दःवइ ।

अतितया मुल्य भवसुना वर्तमान त्वःमंका च्वंम्ह श्रीया ध्यान भंग जुल “माफ याना दिसँ छित छु बिइ ?” धकाः नाइसे च्वंगु सः वया न्हाय्पनय् थ्वः वसेलि । मिखा कन । स्व्वाय्श, बियर, अले ट्विस्किं जाःगु बःचाधंगु टूलीया लिक्कसँ दना मुसुं न्हिलाः च्वंम्ह तुइसे समावं ख्वाःम्ह एअर होप्तेसं वैत स्वया च्वंगु खन । म्ह धस्वाकाः टाइया गथि छकः छिंकल ।

कथंहं.....

हलिं नेवाः गुथि किपू कचां किपुली याःगु

“भिके-ल्ह्वने-न्हूधाः यायेनु”छयों तया चिनाखँ गोष्ठी ब्वंगु चिनाखँ छसिकथं पिकया वनेगु तातुना थ्व चिनाखँ न्ह्यब्वयागु खः

## १७. निपु गजल

भरत महर्जन

चीथु,किपू

गजल १

आः प्वः सिल, जि यज्जु ला नेताजुया म्हाय् खनी !

मिहःतले सुकुम्वासी, थौं महलय् वाय् खनी !

गय् गथे खः कुलाः स्वया वंशवृक्ष यज्जुया

देशी मखु वया अबु ला विदेशीया काय् खनी !

सँप्वाँय् छप्वाँय् छातिइ तयाः नेता हुँहुं ख्वः छन्हु व सँप्वाँय् ला अख्तियारं पुयाब्यूगु ग्वाय् खनी ! भ्रष्ट पुत्री, हे विदेशी, म्हाल भीगु स्वापू स्वाय् किपूमितय् ज्यानसिबें यइगु धइगु न्हाय् खनि !

गजल २

देय्या चाय् छु जू ? न्हाकं जक बू

पलाःपतिकं च्याँयक्क-च्याँयक्क पू

थ्व न्हाकंपुसा मेड इन उखे

थ्व हाकू सत्य आः ला प्रष्ट थू ॥

थःत युद्धवीर धकाः धाःम्ह नं

खनकि थ्व न्हाकं ग्यानाः च्वक म्हु

न्ह्याक्व प्वी थव्यु न्हाकं न्ह्याः म्वाय्

खकि लः तिकिं ल्वँह तछ्याःगु लू ॥

## १८. गजल

रामेश्वर मिश्रण श्रेष्ठ

नुगः न्ह्याक्व ख्वःसां न्हिलाख्वाः ब्वये नंला छं

न्हिछि न्हिलाः व नं याकःचा चछि ख्वये नं ला छं

गुलि ब्वनाः स्वल जुइ मेपिनि दुखं जाःगु गजल छपु गजल थःगु हे ख्विं गबलें च्वयेनंला छं होस यानाः जुइमाः पलाःपतिकं घाः लायेयः थन सिइक सिइकं चुपिनापं थःगु नुगः ध्वयेनंला छं

न्ह्याम्ह नापलाःसां थाकुक जि म्वानाच्वना धाइ अःपुक हे न्हयान्हिथं सिनाः गबलें स्वये नंला छं त्याःबू कासा थ्व जिन्दगीया गुलि म्हितल जुइ न्ह्याक्व त्याःसां थःगु हे छें सर्वय् बुकेनंला छं

## १९. नखःचखः

शिव प्रसाद श्रेष्ठ,

थक्वाः च.न.पा. ६, यें ।

भी नेवाः परम्पराकथं नखःचखः हनी

ला, थ्वँ, ऐला, बजि तयाः भव्य न्यायेकाः नइ ॥ १

नेवाःयागु संस्कृति भीसं थथे हनाच्वना

गनयापिं वयाः थन च्वन शासन यानाः ॥ २ ॥

भी बाज्यापिनि पालय् भी यक्व दुपिं धाइ

सछि दामं गाःगु थासय् न्यासः तुकाः नइ ॥ ३ ॥

थथे जुयाः भी दक्व ब्वय्(ब्वय् लानाच्वन

थुजगु ताःलं नयाः जूसा स्यनी भनभन ॥ ४ ॥

जात्रापात्रा, नखःचखः सदां वयाच्वनी

भव्य न्यायेकाः नयाजुजुं सर्वय् फुनावनी ॥ ५ ॥

नाना थरि बाजा भीगु भीसं थानाच्वना

नेपाः देय्या संस्कृति कला भीसं म्वाकाच्वना ॥ ६

नेपाः देय्या नेवाः खनां धन्दा कयाच्वन

नेवाःन्ह्यःने वइ धकाः भीत पतुपनाच्वन ॥ ७ ॥

चय्चय् थ्यपिं नेवाः दक्व बुरा जुयावन

थौ वयाः भीपिं दक्व तःलय् लालावन ॥ ८ ॥

नेवाःतय्सं नेवाःतय्त थः धकाः मधाः

थुलिमछि जुल नं सुयां न्ह्यलं मचाः ॥ ९ ॥

सकसिनं बिचाः या रे नेवाःख्वालं पुयाः

न्ह्यलं चायेकाः दनावा रे छपें छधी जुयाः ॥ १०

तपाईको टोलमा भएका घटना कीर्तिपुरको समाचार बनाउने  
हो भने तपाई एक कल फोन गर्नुस् हामी तपाईको टोलको  
समाचार कीर्तिपुरको समाचार बनाईदिनेछौं

## कीर्तिपुर सन्देश साप्ताहिक



## कीर्तिपुरको चित्रण

किपुलिं पिदनाच्वंगु कीर्तिपुर सन्देश वाःपौ व ज्वज्वलपाः वाःपौया ग्राहक जुइगु नितिं स्वापू तयादिसँ

कार्यालयः निखासी टोलः कीर्तिपुर नपा-३  
फोन नं.: ४३३३००७, ९८४१४०१०७७

ज्वजलपा वाःपतिइ छिगू चिनाखँ/बाखं/हाइकू विज्ञापन  
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंकाः सः



# ज्वजलपा वाःपौ

ज्याकूः निखासी त्वाः किपू नपा-३ फोन ल्याः ४३३३००७,  
९८०८६२६४२० ई-मेल : kirtipur\_sandesh@live.com



## भी दने भी मुने

### नेवा: राजनीति व नेपा: पार्टी विषयक अन्तरक्रियात्मक गोष्ठी



ज्वजलपा वा:पौ

नेवा:तय्गु पार्टीया रुपय् म्हासीका विया वयाच्वंगु अले पहिचानया आधारय् नेवा: प्रदेशया माग याना वयाच्वंगु नेपा: राष्ट्रिय पार्टी नेवा:तय्गु मुद्दायात कया अन्तरक्रियात्मक ज्याभ्व: या:गु दु ।

नेपा: राष्ट्रिय पार्टी शनिवा: 'समसामयिक नेवा: राजनीति व नेपा: पार्टी' विषयक अन्तर क्रियात्मक गोष्ठी या:गु दु । भी दने भी मुने धका: उगु कथंया ज्याभ्व: या:गु ख: ।

यँया खुसिबुँइ च्वंगु नेपा: ब्याक्वेटय् जूगु उगु गोष्ठी नेपा: राष्ट्रिय पार्टीया नाय: सुवर्ण केशरी चित्रकारया सभानाय:सुइ न्ह्या:गु ख: । अथेहे, उगु ज्याभ्वलय् नेपा: पार्टीया महासचिव विजय सैजु लसकुस न्वचू बियादीगु ख: ।

वर्तमान राजनीतिक अवस्थाय् थ:पिनिगु सरोकार क्यनेगु कथं या:गु उगु गोष्ठीइ डा. महेशमान श्रेष्ठ, मल्ल के. सुन्दर, जनकवि दुर्गालाल श्रेष्ठ, सुवर्ण शाक्य, मंगला कार्जित,

सुजिव वज्राचार्य, सुरेश मानन्धर, राजभाई जक:मिपिन्स थ:थ:गु नुग: खँ तयादीगु ख: ।

थथे नुग:खँ तयेगु भ्वलय् नेवा: आन्दोलनया आवश्यकतायात कया: नेवा: न्ह्यलुवा:पिन्सं थौया इलय् नेवा: आन्दोलनया आवश्यकता भन् अय्: जूगु विचा: प्वंकूसँ नेपा: राष्ट्रिय पार्टी न्हापा या:गु ज्याखँयात कया: गम्भीर अध्ययन याना: न्ह्य:ने न्ह्यज्यायेमा:गु विचा: प्वंकूगु ख: । वय्कलं नेपा: पार्टीया सांसद लक्ष्मण राजवंशी पार्टी

त्व:ता वनादीगु प्रसंगयात कया सुना नं पार्टी त्व:ता वनेवं ग्यायेमा:गु आवश्यकता मदु धयादिसँ पार्टी पहिचानया मुद्दायात ज्वना नेवा:तय्गु हक अधिकारया निति न्ह्या: वनेमा:गु खँय् ब: बियादीगु ख: ।

उगु ज्याभ्व: ज्याभ्व: नेपा: पार्टीया प्रवक्ता कृष्णहरी महर्जनं न्ह्याकादीगु ख: ।

नेपा: राष्ट्रिय पार्टीया सांसद लक्ष्मण राजवंशीयात पार्टी कारवाही या:गु ख:सा वय्क: सांसद राजवंशी ला न्हापा हे बौद्धिक जनतान्त्रिक परिषद धका: न्हूगु पार्टी दर्ता याना तये धुंकूगु अवस्था ख: ।

उकिं नेवा: ख्यलय् नेपा: राष्ट्रिय पार्टीया बारे ब्यापक रुपं चर्चा जुयाच्वंगु अवस्थाय् थ:पिं पहिचानया आधारय् नेवा: स्वायत्त राज्यया पक्षय् दुगु खँ स्पष्ट यायेत नापं पार्टी आ: तक नं क्रियाशिल जुयाच्वंगु दु धका: क्यनेत उगु कथंया ज्याभ्व: या:गु खयेमा: धका: टिप्पणी यानाह:गु दु ।

## वाह रे थ: मनु



नरेन मान (खासी, किपू)

गुलि अप्व: व्वनातल उलि अप्व: ज्ञानी जुईमा:गु ख: गुलि अप्व: त:मि जुल उलि अप्व: दानी जुईमा:गु ख: थन जुल अख:, मदुपिनिगु हे काका: काईगु धाथें ध्वा थुल जिं, त:मिपिन्सं हे थथे याईगु ॥

व्वना तयेवं ज्ञानी मखु खनी मर्चानिसंया बानी तनी मखु खनी ॥ दच्छि न्ह्य:तक दुगु लँपु धेवाया बलय् हुया बिल पिना नया: च्वनागु केबया नसा स्वं स्वं सिधल ॥

मेपिन्सं का:गुसा ल्वानासां काय थ: मनुनं या:गु गथेयाना धाय् ॥ सिउम्ह थुउम्ह धका: हनां तयाम्ह सिया वल आ:, वला मनु हे मखुम्ह ॥

विलगेट्स त:मि जुया हलिमय दानी जुल थ:के दुगु ज्ञान इना: गुलि मनूत ज्ञानी जुल सिइक थुइकं गुलि मनूत ह्यामी जुल थ:हे न्ह्यचिला थ:थ: ल्वाकेत नामि जुल ॥

थ:सिकं मेपिं च्व:न्ह्या:गु स्वय् मफुसा इलं येकूगु थें थ:गु मन तये मफुसा सुयागु दोष ? सिईबलय यंकेगु छु ? न्ह्यस: तये न्ह्यो वहे न्ह्यस: थतं निं न्ह्योसा ? लिस:ला वइनि, जग्गा किताकाट याये न्ह्यो ॥

## सताब्दी पुरुष जोशीया छँय् मंका: खल:

### यलया ग्वसालय् साहित्य मुना

सताब्दी पुरुष नापं संस्कृतिविद सत्यमोहन जोशीया छँयलया वखुवहालय् त:जिक नेपालभाषा साहित्य मुना ज्याभ्व: जूगु दु । नेपालभाषा मंका: खल: यलया ग्वसालय् शनिवा: छगू साहित्य मुना ज्याभ्व: जूगु दु । वरिष्ठ संस्कृतिविद शताब्दी पुरुष सत्यमोहन जोशीया छँसं जूगु उगु नेपालभाषा साहित्य मुनाय् नेपालभाषा केन्द्रिय विभागया पुलांम्ह नाय: तुलसीलाल सिंह मूपाहाँ कथं भायादीगु ख: ।

नेपालभाषा मंका: खल: यलया नाय: ऋषिप्रसाद श्रेष्ठया सभानायोसुइ न्ह्या:गु नेपालभाषा साहित्य मुना ज्याभ्वलय् शाक्य सुरेन, विमलप्रभा वज्राचार्य, सुरजवीर वज्राचार्य, वंशीधर वज्राचार्य, मोक्षबहादुर अमात्य, मंगलमान शाक्य, भरत महर्जन, युवेशरत्न वज्राचार्य, सुजिता महाजु, डा.पुष्पराज राजकर्णिकार, मीना वज्राचार्य, तुयु पुं, सुशीला शाक्य, मंगलनारायण जोशी, प्रेमकृष्ण ताम्रकार, सुधीर ख्वि व विजयरत्न असंवर पिन्सं साहित्यया थीथी विधा कथं थ:थ:गु बाखं, चिबाखं, हाइकु, गजल व्वना न्यंकादीगु ख: । ज्याभ्व: धर्मकृष्ण सिक:मिं न्ह्याकादीगु ख: ।



**पिदंगु दु  
स्वंगू सफू**

उपन्यास

थ्वया च्वंगु स:

न्वचू, उद्घोषण व एफ एम

संचालन कला नास:

चिनाखँ मुना ईब्य:या चिनाखँ



नजरराम महर्जनया भिंछगूगु उपन्यास 'थ्वया च्वंगु स:'

मू  
निस: तका जक



श्रीकृष्ण महर्जनया न्यागूगु सफू 'नास:'

मू  
न्यय् तका जक



नाति महर्जनया न्हापांगु सफू 'ईब्य:या चिनाखँ'

मू  
सच्छि तका जक

थ:गु प्रति  
सुरक्षित  
यानादिसँ  
न्हि  
स्वापू

४३३३००७,  
९८४१४०१०७७